

八卦陣



走遍大江南北的梁狄剛，早前到中華基金中學演講，學生反應十分熱烈。（中華基金中學提供）

同胞姐妹 教新疆經濟



中華基金中學校董會主席梁潔華與梁狄剛稔熟，故成功請得他到該校演講。

長

期喺大西北勘探石油嘅梁愛詩胞兄梁狄剛，較早前到本港一所直資中學——中華基金中學演講，向學生

講解新疆嘅經濟及工業發展。

老友同齊百通講，雖然呢個講題好似有啲悶，但十四歲開始走遍大江南北、四圍替國家搵石油嘅梁教授，其經歷簡直就係一本大遊記，所以當日學生嘅反應好熱烈，講座完畢後，唔少學生仲猛向梁教授攞演講資料添。

原來，梁教授喺兩年前已來港做學術交流，當時亦有去中華基金中學，講題係西部大開發嘅西氣（汽油）東輸情況，據知該校校董會主席梁潔華同校監伍淑清，同梁教授係多年老友，十分稔熟；而由佢擔任名譽顧問及主席嘅「中華青少年歷史文化教育基金」，兩年前亦安排梁教授來港做嘉賓，難怪中華基金能咁大面，兩次都請得郁呢位專家啦。